

Verum si significator non fuerit in aliquo dictorum angulorum, utere tunc circulo positionis mobili in hunc modum: Duc primo gradum ascendentis nativitatis, vel alterius principij ad contactum horizontis orientalis, & fac ut globus ita fit miter perseveret, deinde pone circulum hunc positionis cum linea eius fiducia supra locum significatoris, siue latitudinem habuerit, siue non, accipiendo ibidem ascensionem obliquam significatoris, sub eodem circulo positionis, & ipso circulo positionis ita in tali dispositione immobiliter perdurante, uolue globum secundum successionem signorum, donec locus promissoris ueniat sub eundem circulum positionis, & tunc etiam extra signabis ascensionem obliquam huius promissoris, quae directie cadit sub tali circulo positionis, demum subtrahe ascensionem obliquam significatoris, ab ascensione hac obliqua promissoris, & colliges vel residuabis gradus directionis quaesitae. Exemplo lucidius capies: Sit ascendens 10 gradus Tauri in elevatione poli $49\frac{1}{2}$ graduum, sitq; Luna in 20 Piscium, habens latitudinem septentrionalem duorum graduum, uolo dirigere Lunam ad corpus Martis, qui fuit in 6 gradis Tauri, & habuit latitudinem meridionalem trium graduum. Primo imponeas pori solido locum Lunæ, ac corpus Martis secundum longitudinem & latitudinem, iuxta præceptum 19 problematis. Et disposito globo pro eleuatione poli, pone gradum ascendentis 10. scilicet Tauri, ad contactum horizontis orientalis, & eum immotum custodi, admouendo circulum positionis ad locum Lunæ significatoris scilicet, & inuenies ibidem ascensionem obliquam Lunæ gradus 352 ferè. Ascensionem uero obliquam corporis Martis, sub eadem dispositione circuli positionis gradus 23. Subtrahe nunc ascensionem obliquam significatoris uitæ, scilicet Luna, ab ascensione obliqua promissoris, corporis scilicet Martis, & remanebunt gradus 31, directionis Lunæ ad corpus Martis. Si uero significator fuerit sub terra, fac directionem per gradum oppositum, qui est supra terram, accipiendo etiam gradum latitudinis oppositum, ut si latitudinem habuerit meridionalem, fac eam septentrionalem, & econuerso. Similiter pro promissore accipe gradum oppositum longitudinis, & etiam oppositum latitudinis, ut supra.

Nolim tamen te ignorare, quod directio conuersa, siue contra successionem signorum, fit eodem modo, sicuti directa, hoc tantum notato, quod circulus positionis semper locandus erit supra positionem promissoris, deinde erit significatoris locus in globo ducendus ad illum locum promissoris, scilicet contra signorum ordinem, demum subtrahenda erit ascensio obliqua significatoris ab ascensione obliqua promissoris, ut supra &c.

Ad quem locum Zodiaci directio significatoris cuiuspiam, secundum signorum sequelam, vel contra perueniat, in aliquo certo anno proposito addiscere.

CAP V T L X I I .



Radum ascendentem nativitatis, vel alicuius alterius principij, loca supra contactum horizontis orientalis, & vide an significator sit in aliquo anguloru, quod si sic, adde tali ascensioni, siue rectæ, siue obliqua, apud gradum significatoris ibidem in æquatore apparenti, numerum annorum transactorum ab instanti talis radicis, hoc est pro quolibet anno cōpleto, unū gradū dictæ ascensioni adjicias. Et huius aggregati quere arcū ecliptice ponendo aggregatum hoc sub armillā meridianam, si recta fuerit, vel ad contactum horizontis, si obliqua, & apparebit ibidē gra, eclipticæ, ad quæ directio significatoris

anno